

A Kwambuka Yorodani (Yosuwa 3):

❖ Gukenera kwera

- Mu gihe cy’imyaka 40, igicu cyari cyaragiye cyerekana igihe cyo kuva mu ngando bagafata urugendo, maze Isanduku y’Isezerano ikayobora Abisirayeli aho berekeza (Kubara 9:17; 10:33).
- Igihe cyari kigeze cyo kugenda. Bava mu ngando i Shitimu, maze bakambika iminsi itatu hakurya ya Yorodani. Nuko bahabwa itegeko ryo gukurikira Isanduku y’Isezerano baja mu Gihugu cy’Isezerano (Yosuwa 3:1–3).
- Gukurikira Isanduku y’Isezerano byari bikubiyemo
 - (1) Kumvira Imana (Amategeko 10)
 - (2) Kwizera kugirirwa neza n’Imana (urwabya rwa manu)
 - (3) Kubaha abayobozi bashyizweho n’Imana (Inkoni ya Aroni)
- Ariko hariho igikenewe: bagombaga kwezwa (Yosuwa 3:5). Uku kwiyegeurira Imana kwarimo umuhango wo kwezwa mu bigaragara (kumesa imyenda no gusukura umubiri), kuzibukira icyaha, no kugira imyifatire yo kwakira neza amagambo y’Imana.

❖ Ibitangaje by’Imana

- Imana ni Yo “yonyine ikora ibintu bitangaje” (Zaburi ya 72:18). Kubw’ibyo, twemera ko ari Yo Mana yonyine (Zaburi ya 86:10); twibuka ibitangaje byayo (Zaburi ya 77:11); kandi tuvuga imirimo yayo itangaje (Zaburi ya 96:3).
- Nta kintu gikomerera cyangwa ngo kube igitangaje ku Mana, Yo yaremye byose (Yeremiya 32:17; Luka 1:37). Dushobora rero kwizera ko ishobora no gukora ibitangaje mu mibereho yacu (Zaburi ya 107:8).
- Kwambuka Yorodani ni kimwe mu bitangaje by’Imana, ndetse mu buryo bwa gihanuzi gicurera ikindi mu bitangaje bikomeye Imana yasezeraniye kuzadukorera: kwinjira muri Kanani yo mu ijuru (Zekariya 8:6–8).

B Kwibuka no kwibagirwa (Yosuwa 4):

❖ Ibimenyetso by’urwibutso

- Muri Bibiliya, ikimenyetso gishobora kugira ubusobanuro butari bumwe: Igikorwa kidasanzwe (1 Abami 13:3); Igihagarariye ikintu runaka (Itangiriro 9:13); Ikirango cyo kuburira (Kuva 12:13); Ikintu kihariye kiranga kanaka (Ezekiyeli 20:20); Urwibutso (Itangiriro 28:18).
- Amabuye 12 yakuwe muri Yorodani, maze Yosuwa akayashinga nk’ikimenyetso, ari muri ruriya rugero ruheruka: urwibutso.
- Ikirenze kwibuka ahahise ubwabyo, ni iyihe ntego Imana yatekerezaga igihe yasabaga ko bashinga ayo mabuye (Yosuwa 4:6–7)?
- Ibisekuru bishya byagombaga kumenya icyo Imana yakoze. Kwizera kwabo kwagombaga gushingira ku bitangaje Imana yakoze. Byari inshingano z’ababyeyi guha ubwo bumenyi abana babo (Gutegeka 4:9). Kubw’ubwo bumenyi, buri wese muri twe agomba kubaho kubwo kwizera kwe ubwe.

❖ Akaga ko kwibagirwa

- Ubwo Yosuwa yashingaga amabuye 12 y’urwibutso i Gilugali, yashimangiye ingingo ebyiri (Yosuwa 4:23):
 - (1) Imana yakamishije Inyanja Itukura imbere yacu (Yosuwa, Kalebu, na bake bari bakiriho mu bo mu gisekuru cyavuye muri Egiputa)
 - (2) Imana yakamishije uruzi rwa Yorodani imbere yawe (igisekuru gishya cyavukiye mu butayu, kandi kigenewe kwigarurira Kanani)
- Igisekuru gishya cyari mu kaga ko kugwa mu makosa nk’ay’ababyeyi babo: bakibagirwa imirimo ikomeye y’Imana. Ikibabaje, nuko nabo bibagiwe, kandi birēngēra ingaruka (Abacamanza 3:7–8).
- Mbega ukuntu, bityo, ari ngombwa ko dukomeza kwibuka mu ntekerezo zacu uburyo Imana yitaye ku bakurambere bacu, ndetse n’ibihe twabonye n’amaso yacu ukuboko gukomeye kw’Imana!

C Inzibutso z’Uruzi Yorodani

- ❖ Kwambuka Inyanja Itukura ndetse na Yorodani ni ibintu bibiri byabayeho mu mateka byahujwe nk’intambwe z’amateka yo gucungurwa (Zaburi ya 66:6; Zaburi ya 114). Byombi hamwe, bigaragaza ukubaturwa kwacu ku cyaha no kubona ubugingo buhoraho.
- ❖ Kwambuka Uruzi rwa Yorodani mu buryo bw’igitangaza no kujyanwa ku Mana byabaye impamo kuri Eliya (2 Abami 2:1, 7, 8, 11).
- ❖ Icyakora kuri Elisha, ibyabaye byari ikimenyetso cyo kwakira Umwuka Wera, We wamushoboje gusohozza umurimo we (2 Abami 2:14–15).
- ❖ Ni nako byagendekeye Yesu ubwo yinjiraga mu mazi ya Yorodani; Umwuka Wera yamuhaye imbaraga kugira ngo asohozze umurimo We: kutubatūra ku cyaha no kuduha ubugingo buhoraho (Mariko 1:9–11; Yohana 1:29; 3:16).